

Sastanak na temu „Korištenje podataka Adresnog registra od strane MUP-a HNK i IDDEEA-e”

19.06.2015 13:02



U sklopu CILAP aktivnosti u prostorijama Uprave za geodetske i imovinsko-pravne poslove HNK 18. 6. 2015. godine održan je radni sastanak predstavnika Uprave za geodetske i imovinsko-pravne poslove HNK s predstavnicima Ministarstva unutrašnjih poslova HNK (MUP HNK) i Agencije za identifikacione dokumente, evidenciju i razmjenu podataka (IDDEEA).

Na sastanku su, od strane predstavnika Uprave, prezentirane do sada realizirane aktivnosti vezane za uspostavu i održavanje Adresnog registra u HNK, kao i planirane aktivnosti u narednom periodu.

Svi učesnici su izrazili svoje zadovoljstvo poduzetim aktivnostima i dali su punu podršku daljnjim planovima za razvoj.

Također je postignut dogovor o saradnji Uprave, s jedne strane, i MUP-a HNK i IDDEEA-e, s druge strane. U tom pravcu su definirani sljedeći zaključci u pravcu testiranja procedure korištenja podataka Adresnog registra:

1. Uprava će osigurati pristup podacima Adresnog registra s pilot-područja (Čitluk; Međugorje i Bijakovići) iz centralne baze IDDEEA-i na bazi dnevne ažurnosti.
2. IDDEEA i MUP HNK će podatke koristiti za testiranje svojih internih procedura, kako bi se u idućem periodu omogućilo korištenje podataka većeg obima, te kako bi se podatci Adresnog registra u tim procedurama koristili na najbolji mogući način.
3. Planirano je da se tokom jeseni, sukladno planiranim aktivnostima CILAP projekta, održi seminar o zajedničkim aktivnostima, a sve u svrhu upoznavanja zainteresiranih subjekata o rezultatima te saradnje i narednim koracima vezanim za korištenje podataka Adresnog registra.